

NAAGIDOWENDIZIYIN

GNIMAA AGE AZHAYAAMBA

Giishpin agii nakweshkiman mazhiwe aakwaadiziwin/mazhiwe goopajichigewin/wiijiwaagan aakwaadiziwin, gnimaa gdaa goshkoganan gdo inamjiwinan ezhi nakwetamomigag. Gnimaa nowonj inamjiwinan nakwetamowinan gdaa yaanan maage gdaa goshkowaadendam owi epiichi bekaadendaman. Gaawii gego gagwek maage maanaaji nikiiyaa ezhiyaawin shkwaa zhiibaashkaman maanda. Newen ashayaawinan e'moshitowin aawinon giin gagwek yaawinon.

Gnimaa gdaa inendam owi agaa zhiwebizii-in giin gidindiwin aawon. Aga bigosenimigwo awii gikendaman gaawii maanda gididindiwin aawizino, gaawii majibinange gego naamidiziyin maanda agaa zhiwebak. Gaawii gidindiwin aawizino agaanji zhiwebak maanda maage gdo wiikijitamaadizasiin.

Aapaji gwa zinagad weweni awii naanaagidowendamang apii agii nakweshkaman gichi wiisigikaagewin.

Gnimaa gdaa waabmidis zhichigewin newen gaawii age dinendimidiziyin awii zhichigewin. Maanda adaa aawon gwiinwinendaagwog maage nishinaadendaagwog. Gmaaminig gwa onjitaamigad miinwaa mashkowiziwin awii nojimowin shkwaa goopajigowin; gaawii gwa gnimaa wewiib gda mina zhayaasii. Zhiibendizan miinwaa miindizan minik nendowendaagwog awii gikendaman maanda agaa zhiwebiziiwin agaazhi madookidaagiyin.

Gnimaa gwa adaa mikaadis nowonj dnonaa wiwiyyin miinwaa inamjiwinan nakwetamowinan, newen e'digosing:

- Azhayaawin naadiziyin, onjikewiziwin maage giwiziwin
- Izhayaawin gaawii gwaya ado nisastaziin agaa zhiwebiziiwin miinwaa megwaa e'zhiwebiziiwin.
- Gwiinwinendam maage gashkitosiwan weweni awii naanaagidowendiman.
- Aanjisemigag ezhi wiisiiyyin miinwaa/maage maazhideyin
- Ayekoziwin gnimaa geskana maage apiichin zhayaawin
- Aanjisemigag ezhi nibaawin
- Odekwendibewin miinwaa zinagendamowin
- Osidaawendaman miinwaa naajitaasinendamowin
- Aanji bimaadiziimigag agaa zhiwebiziiwin owi gdo inendamowin miinwaa/maage ne-aab waabmdaman agaa zhiwebak.
- Aanjisemigag owi gdo izhayaawin owi zaagidiwin
- Maanaajizhayaawin apii besha yaawin gwaya bekaanzid maage gwayaa daanginig
- Gashkitosiwon awii apenimondoodwaa bekaanzijig
- Zegizii zhayaawin, dibishko gonaa zegiziiwin njike yaawin maage njike agojiiing zhaayin dibikag
- Goshkowi azhayaawin maage aanimendaman
- Debweyendaadiziwin dibasaamigag

Gichi piitendaagwod awii nisastaman newen azhayaawinan e'mooshtowin aawinon owi yaawong ani noojimang.

Newen nakwetamowinan gdaa naadmaaginan awii nisastaman owi agaa zhiwebak agaazhi madookidaagiyin.

Daapinan minik dibagiisiwaan nendowendam awii nisastaman newen nakwetamowinan aawinon gechi

piitendaagwod owi noojimowin nankiiwin. Gichi piitendaagwod awii naagidowendiziyin, awii dowaabmdaman

aasgaabiwitaagewin, miinwaa awii debinaman nawketamowinan newen gagwedwewinan gnimaa yaa-aabi e'yaaman

shkwaa gindaman maanda gikendamowin. Miinwaa age temigad 24-dibagiisiwaan niizaanag aasgaabiwitwaa

giigido biiwaabikonsang nowonji iniwewinan ezhi miigweng agezhi giigidamiba giishpin wewiib mineziyyin maage

gibaakogaadeg enji aasgaabiwitaagewin.

NAAGIDOWENDIZIYIN

WIINDAMAAGAAZIWAAD DIKONIWENINWOG

Aanin bemaadizijig wewiib gikendaanaa-aa endogwen dowendamowaad awii wiindamowaad dikoniweninwog maage gaawii. Aanin gaawii gikendiziinaa-aa nendowendamowaad awii zhichigewaad. Gnimaa gda minezin aanke gikendamowin jibwaa zhitowin maanda ishpendaagwog giizhendamowin. Gaawii gwaya bigidinaake awii gagaandinig awii giizhendaman newen onashowe zhichigewinan jibwaa agiizhiitaawin. Aabdeg gwii miindis deminig dibagiisiwaan awii zhitowin giizhendamowin giin gagwek ayaawong.

Odi Mazhiwe Goopajichigewin/Wiijigendowad Aakodiziwin Naandowechige Wiigwaam, gdo ayaan owi wenaamjigewin awii zigakinigaadeg gekendaagwak mikamaagewin ningo biboon minik (giishpin dowendaman awii ayaaman Mazhiwe Goopajichigewin Mikagewin Nikaaziwin zhichigaadeg). Amii maanda age miinigowin minik meneziyin awii zhitowin maanda giizhendamowin. Giishpin giizhendaman awii bagidinaman owi gekendaagwog mikagewin nikaaziwin gewe dikoniwenini, yaawog mashkikikwewog awii naadmaagiyin zhichigewin zhichigewin maanda. Makwendan maanda, gaawii gego zhichigesiim bwaa miigwewin gdo bigidinigewin; giin gdo zhitonan giizhendamowinan.

NAAGIDOWENDIZIYIN

ZHICHIGEWINAN AGE ZHICHIGEWIN ANI ZHIIBAASHKAANG NEWEN ZENIGENDAAGWOG

GICHI WIKI NAAMIWIN

- Nimadibin maage naaniibiwin ezhi mina-zhayaamigag
- Biindinaaman nengaaji gijaanzhing (miinwaa gaandinan gimasad)
- Mijiginan ajina dibagaans
- Bagidinaaman boodaadaman nengaaj nodin
- Aanji zhichigen niibina nching
- Gajitoon awii aanjitowin owi nesewin odi azhiwebiwin zhayaawin

MAAMIDONENDAMAN

- Nimadibin ezhi mina zhayaamigag
- Naazhinan nashkwechigewinan
- Makwendan bezhig bizaanikidwin, inendamowin maage mazinchingan
- Gichi ikwanaaman
- Giishpin moozhitowin biindigeshkaagiyin maage zegize inendamowinan, bagidinan awii bamiyaamigag

BAGAKENDAN

- Mazinaamdan bizaanendamowin yaawong, gegeti gwa yaawong maage gdo inendamowining
- Waamidizan yaawin zhiwe
- Gaataawiing naabin newen e'ginowaabmdaman
- Maaminanaabmdan newen memdage baajimaandman, minowewemigagigin, ishayaawin, moozhitowinan
- Naagizowaabmdam owi bizaanendaman e'mooshtowin zhiwe ayaayin

NAAGIDOWENDIZIYIN

ZHICHIGEWINAN AGE NAADMAAGIYIN BAMIKIMAN NEWEN NE-AAB WAABMDAMAN AGAA ZHIWEBAK, AAKWENDAMAN MIINWAA/MAAGE AANIMENDAMOWIN

**Newen eni zhibiigaadeg age gagwejitomiba azhi gikenjigaadenon
“bekaadendamowin nigajitowinan”:**

1. Dowaabmdan bezaanendaagwog miinwaa bekaatemigag
2. Gichi ikwanaaman biinji ojaanzh. Giikisemigad owi nodin apideg gdo opanan miinwaa naadmaagemigad awii naazhisemigag ode epiichibideg miinwaa aanimendamaman nakwetaman. Bagidinaaman gdoning.
3. Gaawii gajitoke awii nigaasidowin maage miigaadiman gdo nakwetamowinan. Mina daapinan miinwaa bagidinan awii maajaamigag, makowaabmdiziyin owi aanimendamowin gaawii niizaansinon miinwaa ada maajaamigad.
4. Dibaajimato gwaya e-penimandwod miinwaa, giishpin mina nendaman, wiindamo ezhayaayin.
5. Bimaajiin maage gego nankiin awii nakiimigag gwiiyaw.
6. Maaminanaamdan gaataawiing yaawin etemigag. Aanin bemaadizijig makaanaa naadmaagemigag naagidowaad newen e’aankesing e’waawiiindamowaad naanan e’waabmdamiwaad, naanan e’nondamowaad, naanan baajimaandamowaad, miinwaa aabajitaan owi zhichigewin apiinish owi aanimendamowin ani maajaamigag.
7. Daanginan michisag miinwaa newen etemigag gaataawiing yaa-in. Ninda eshichigewin ginaadmaagwon awii bizaanendamaman ingodanowaa. Dibishko gonaa, naaniibiwin michisag, makowaabmidizan owi megwaa epiichaag miinwaa ezhigiizhigag. Nengaaaj nesen miinwaa naasaab apii gijaanzhing awii naazhinaman gnimaa yaaman wewiib naamiyin.
8. Mina ginondizan miinwaa age nengaaaj nesewin.
9. Gagwejidizan, “Wegnesh owi memaanji aasgaabiwitamaadizii-aan yaawong age zhichige-aambaa nongo megwaa?”

Gagwejitoon nowonj dnowaa bimiikiman zhichigewinan apii goshkowaadendamaman, aanimendamaman maage maanaadendamaman. Gimaawipii, aga gikendaan wegwen zhichigewinan memaanji mina nakiimigag giin onji.

NAAGIDOWENDIZIYIN

AANIISH AGEZHI NANAAWITOWIN GDO NIBAAWIN

Ninda eni zhibiigaadeg aawinon age gagwejitomiba woshme awii mina nibaawin:

1. Nakiitooon gwiiyaw epiichi giizhigag, nawaaji gwa shkwaa naakweg jibwaa naagishi wiisiniiyin. Bagidanaamowiiigowin wiiyow nakiichigaadeg (nishtana dibagaans maage woshme) woshme nishin, dash wiigwaa niimidana shi naanang apiinish nigo dibagiisiwaan gagetin bimaseng naadmaagemigad.
2. Gajitooon naasaab owi apii e'nibaawin miinwa gashkoziyin, waawaaj agwa giishpin ekoziwin gizhep aawong.
3. Gegwa gajitooke awii gagaandinidiziwin awii nibaayin. Giishpin gashkitosiwon awii nibaawin shkwaa niishtana apiinish nisimidana dibagan nibaagining yaayin, gajiton awii nankiiwin gego age bizaanendamigowin. Ne-aab nibaagining azhaan apii giikiimigoshiyin.
4. Miiwishkan niibna wiisiniwin jibwaa nibaawin maage bakedewin apii nibaawin (bangii wiisiniwin jibwaa zhiseg awii nibaayin gnimaa adaa naadmaagemigad).
5. Miiwishkan minikwewin ishkode aabo jibwaa apii awii nibaawin.
6. Ayaan bizaanendamowin owi shkwaach bezhig maage niizho dibagiisiwaan ekwaa giizhigag. Miiwishkan gagetin nakiiwin maage inendaman nikaazyin maanda apii.
7. Naazhinan majiwebiniwin miinwaa sema digosijigan daapinaman minik epiichi gashkitowin. Giishpin aabdeg awii yaaman majiwebiniwin, daapinan wiiba epiichi giizhigag.
8. Maajitaatoon zhichigewin ensa dibikag jibwaa nibaawin. Amii maanda age izhichigewin ensa dibikag jibwaa zhigishinan nibaagining.
9. Gajitooon awii miiwishkaman ajina nibaawin epiichi giizhigag.
10. Gegwa bagidinigizike awii zegiziiwin apii gashkitosiwan awii nibaawin. Nakiitan owi awii mina daapinaman newen dibikadoon apii gashkitosiwon awii nibaawin. Woshme gwa bangii miigaadaman, miiwishkaman, maage gotaadiman gashkitosiwan awii nabaawin, megwaach gwa ngoji ada zhaamigadon.
11. Dibaatan inendamowinan, izhayaawinan, miinwaa mekwendaman owa aasgaabiwichigewin maagwed, gnimaa adaa aawi gwiijikiwen, inodewiziwin maage ginodimaaged. Debinigaadeg woshme izhayaawin aasgaabiwitaagewin miinwaa kidiyin izhiyaawin adaa naadmaagemigad woshme awii mina nibaawin.